

霽山因時忌諱故私記有異同耳其時同事不止二人霽
山集中有鄭樸翁而楊維正云楊璉真伽發陵事翺有陰
移冥轉之功則皋羽亦在其中矣舊志

崔孝廉徵仲

字世召甯德人

貽余新梓問月樓詩中多雋語弔謝皋

羽云魂隨宋寢冬青樹墓傍嚴陵古釣磯鍛鍊工巧詞壇
之射雕手也筆精

元至正十七年正月諸鄉各起團社吞并田土民怨有謠云
吾農生長莆田曲三尺茅簷四尺屋大男終歲食無鹽老
婦蒸藜淚盈掬阿郎辛苦學弄兵年年販鹽南海濱擔頭

福安縣志

卷三十六

雜記

十三

有鹽兵一束羣行大隊驚四鄰邇來紅巾掠州縣沃野平
民不知戰賢哉太守死作灰勇矣林僧命如綫林僧一戰
功業單策馬東走來莆山山人躑躅喜相遇邀我鄰社東
南旋我鄰我社輕死士苦竹長鎗兼丈五自從行刦出社
來社甲吹螺整行伍時維癸巳夏五月暘暑微民正愁絕
螺聲隱隱入郭門白旆央央下林樾饑兒寡婦常諮諮老
弱奔走趨道隅駟翻羽動天哭虎豹掉尾何時需空城
一炬灰燼後車蓋歸來仍白綬阿娘垢面迎相公西鄰椎
牛換新酒酒酣拍掌浩浩歌天地雖大如吾何女兒朝餐